

CAYA GRANDI ENTREGA NA GRUPITO

Grupito mester por hipoteca Caya Grandi pa dreche!

*Ni restriccionnan Caya Grandi por conta pa nan

*Grupito ta haya poder legal riba henter Caya Grandi

ORANJESTAD(AAN)— E grupito mester haya un titulo huridico ariba e proyecto pa nan por hasta hipoteke; nan mester haya horarionan cu nan kier pa habri y cera; nan lo haya un permiso pa tur "koffiehuis" cu nan kier habri; Banco Central lo no pone ningun restriccion pa credito ariba nan; nan lo haya espacio pa weganan di bingo; nan lo haya licencia pa vende manera den zona liber; Gobierno lo duna nan permisionan pa construccion y creacion di zonanan. Esaki ta e condicionnan pa e grupito bira practicamente doño di Caya Grandi, cu nan lo mester por usa pa haya placa cu nan mester pa nan proyecto, cu lo favorece nan enormemente. Awor e origen di pensamento ta conoci. Increibel pero berdad: Gobierno ta entrega Caya Grandi na e grupito! DIARIO awe cu detayenan di e proyecto increibel!

27 November 2006: un grupo cu ta identifca su mes como Downtown Development Corporation i.o. (pues ta den fase di fundacion) ta acerca Gobierno cu un plan, cu

cualquier Gobierno lo a rechaza inmediatamente. Pero no e Gobierno di MEP, cu ya dia 21 di November a duna e grupo oportunidad pa presenta su proyecto.

E grupo ta hende bibo, pasobra e ta mostra Gobierno kico a bira di Caya Grandi y kico su plannan ta pa drecha Caya Grandi, cu lo bay cambia henter apariencia di Oranjestad.

Den e carta e grupo mes ta muestra cu e por comprende cu Gobierno por sostene nan plan completamente.

Cu palabranan bunita ta worde describi kico kier haci. E ora e loke e grupito representa pa Raoul H. ta

lanza su exigencianan.

Gobierno ta worde muestra cu e preparacion di e proyecto y e presentacion cu e grupo a duna, ya a nifica gastonan. Pa nan sigui elabora nan plannan y atrae mas inversionista lo costa nan mas placa. Nan kier carga e gastonan, pero promer cu esey nan kier di Gobierno tur loke nan ta considera necesario pa por realiza nan proyecto.

En corto e grupo kier tur e loke a worde presenta na inicio di e articulo aki. Esey huridicamente lo haci nan e unico autoridad ariba cayam acera, y tur loke ta pertenece na Caya Grandi. Pasobra e

titulo cu Gobierno lo duna nan mester permiti nan desaroy, explota (haci negoshi) y maneha Caya Grandi, cu tambe nan mester por hipoteca pa haya e placa cu nan mester.

Nan ta tene cuenta si cu orden publico (loke lo haci posibel pa Polis no mester di nan permiso pa detene un ladron den Caya Grandi) y reglanan di herencia (no ta worde papia di erfpacht pero di erfdiensbaarheid).

Sin duda esnan tras di e proyecto ta hende di negoshi, pasobra hamas a yega di mira un mihor negoshi cu e entrega di Caya Grandi na un grupo, cu ta bay haya no solamente tur tipo di autoridad, pero hasta mester haya e garantia cu Banco Central no por actua y bisa cu e credito cu nan kier tuma of e forma cu nan kier pone hipoteca ariba Caya Grandi no por worde aproba!

TELEFONNAN DI DIARIO
582-6747- FAX 582-8551

NO LAGA PAPEL MUHA CORTABO!!




**BEST
DEAL**

Tel: 5827100

(Pariba di Aruba Bank, Paradera)

**Motion Detector
Security Light**



Afl. 45,=